

محكمة

مسرحية من فصل واحد

تأليف

هبة أحمد حسب

الفصل الأول

(قاعة محكمة.. يجلس الحضور في الصفوف المخصصة لهم إلى يمين خشبة المسرح ويتهايمسون كل جماعة مع بعضها، منصة القضاء تقع على اليسار من خشبة المسرح. يجلس في مقدمة الحضور رجل في منتصف الستينات من العمر يرتدي قميصًا وبنطلونًا من القماش، أشيب الشعر ويعلق في رقبتة كاميرا تصوير فوتوغرافي. وبالقرب منه فتاة تبدو في نهاية الثلاثينيات شعرها معقوص إلى الخلف في ذيل حصان، ملامحها هادئة ترتدي بلوزة بيضاء فضفاضة وجونلة سوداء طويلة ولا تضع مكياج وينظران لبعضهما - الرجل والفتاة- بغيظ وتحقُّز).

الحاجب (أبو غزال): مَحْكَمَة!

(يدخل القاضي والمستشاران إلى القاعة ويتجهون إلى منصة القضاء بينما يقف الجميع بعد سماعهم نداء الحاجب بكلمة محكمة)

القاضي: اتفضلوا اقعّدوا..

(يجلس الحضور ويتقدّم الرجل الستيني والفتاة، وتحاول الفتاة أن تسبق الرجل إلى أمام المنصة) الفتاة: الراجل ده يا حضرة القاضي.....

القاضي: شششششششش حد أدنك تتكلمي؟ متكلميش غير لما أقولك.. واتفضلوا اقعّدوا في أماكنكم محدش يقف غير لما أطلبه وأنده اسمه

(يعود الرجل الستيني والفتاة إلى مقاعد الصفّ الأول.. يفتح القاضي أحد الملفات الموضوعة أمامه) القاضي: هممم... أنت منصور عماد المصوراتي؟

منصور: أيوة يا سيادة القاضي

القاضي: وانتى السيدة أمانى محبوب اللي رافعة القضية؟

أمانى: (بصوت متلجلج كأنه يرتعش): أيوة يا حضرة القاضي أنا أمانى..

القاضي: الدفاع موجود؟

محامي ١ : مُنْجِي السَيِّد .. حاضر مع المُدَّعِيَة يا سيادة القاضي

محامي ٢: طاهر عبد الرسول.. حاضر يا فندم للدفاع عن المدعى عليه

القاضي: خير يا أستاذة أمانى؟ مكتوب قدامي إنك رافعة قضية على الراجل ده بتهمة فيها إنه ضحك عليكى وأخذ منك مبلغ مقابل تصويرك وفي الآخر مصوركيش.. نصب عليكى يعني؟

أمانى (تقف أمانى وتتقدم أمام القاضي): مش بالظبط يا سيادة القاضي.. هو صورني، لأ مش أنا.. يعني مصورنيش أنا..

القاضي (بغضب): يعني إيه مش بالظبط ومصوّرنش أنا؟ ماهو يا صورك يا مصوركيش

أمانى: صوّرنى يا فندم صورنى.. بس الصورة اللي طلعت وسلمهالى على أنها صورتى ماتبقاش صورتى.. أنا هحكى لحضرتك.. الراجل ده يا حضرة القاضي صاحب ستوديو تصوير فى الشارع اللي ورا بيتي، روحت من شهر أتصور عنده قالي تعالى آخر النهار استلمي الصور، روحت أستلمها لقيتته بيدينى الصور اللي قدام حضرتك فى ورق القضية وبيقول أنها صوري، ودي والله العظيم مش صوري ولا عمري شوفت الست اللي فى الصورة دي قبل كده..

القاضي (موجهًا نظره للرجل دون أن ينظر للصورة): طيب يمكن الصور اتبدلت من غير ما يقصد مثلاً..

عم منصور (يتقدم إلى الأمام مشيرًا بالنفي): لأ يا سيادة القاضي.. أنا لا اتلخبطت ولا يحزنون، ده أنا بصور من قبل هي ما تتولد.. هي دي صورتها بالمظبوط زي ما صوّرتها طلعت الصورة، إيه دخلي أنا بقى ترمي بلاها عليا؟

أمانى: غلط يا حضرة القاضي.. الراجل ده نصب عليا وخذ تمن التصوير وعايز يدينى صور مش بتاعتي على أنها صوري، حتّى أهلي وزميلي وناس من شارعنا شاهدين أن دي مش صورتى! وأنا إيش دراني يمكن صاحبة الصورة عاملة مصيبة ولا قاتلة قتيل وعايزين يغيروا شخصيتها يقوم يلبسني قضية..

(صمت القاضي لفترة وهو ينقل عينيه بين أمانى وعم منصور)

القاضي: انتي عايشة مع مين يا ست أمانى؟ يعني أهلك دول اللي بتتكلمي عنهم يبقوا أخواتك ولا جوزك ولا أولادك ولا مين بالظبط؟

أمانى: أنا مش متجوزة يا حضرة القاضي. أنا عمري ٣٩ سنة ولسه متجوزتش.. (يظلم المسرح ولا يظهر منه غير أمانى ومنصة القضاء).. أنا أصلا بنت وشرعية لأسرة بسيطة.. أخويا اللي قبلي كان طول عمره شاطر فى دراسته، كان طول عمره طموحه عالي وباصص لبعيد، كان عايش معانا وعقله مش معانا، وفعلا خلص جامعته من هنا وسافر من هنا يشوف حاله.. واللي بعدي بنت أصغر مني.. طول عمرها نفسها تتجوز بدري من كتر ما كانت شايقة الشبان بيتقدمولها واحد ورا الثاني.. اللي جارنا.. واللي قريينا.. واللي أمه بتدور على عروسة بنت حلال يكونوا أهلها طيبين، (تصمت قليلا) وفعلا حصل زي ما اتمنت، خلصت جامعته واتجوزت بسرعة وسابتنا زي ما يكون الجواز هيطير.. وسافرت بقى مع جوزها ربنا يهنيها..

القاضي: أو مال مين أهلك اللي أنتي عايشة معاهم يا أمانى؟

الفتاة: أبويا وأمي يا حضرة القاضي.. ربّوني أحسن تربية.. لأ مش أحسن.. أأااا ولا أوحش.. تربية عادية.. طول عمري بنت عادية.. بنجح فى المدرسة عادي.. لا بجيب درجات عالية وأقعد فى أول ديسك فى وشّ الأستاذ.. ولا بسقط ويقعدوني فى آخر ديسك عشان معملش شغب.. ولا حتى عشان الأساتذة يراقبوني ويبصوا عليا كل شوية.. عمري ما خدت شهادة تكريم والفصل سقلى.. ولا عمري اتعاقبت وانطردت بره.. مكنتش بغيب غير لما بعيا عيا شديد، ولما برجع المدرسة بيبقى بردو عادي محدش بياخذ باله.. لحد ما اتخرجت من الجامعة واشتغلت.. كان فيه إعلان متعلق على باب عمارة فى

آخر الشارع، الشركة اللي في آخر دور طالبين موظف جديد.. قدمت وقبلت.. كنت أجدد موظفة في الشركة عيّنوني وبعدها قفلوا باب التعيينات فبقيت أنا الموظفة الجديدة.. خد وصل الملف ده للموظفة الجديدة.. امضي الورقة دي من الموظفة الجديدة.. اختم دي عند البنت الجديدة.. ده حتى الساعى اللي كان بيحبب لنا الفطار كان بيكتب ٢ فول و ١ طعمية لأستاذ نعيم و ٢ بتتجان للأستاذة رجاء، وواحد جبنة بالطماطم للأستاذة الجديدة.

(يتحشرج صوت الفتاة وترتعش يداها فتصمت)

القاضي: خدي نفسك وعلى أقل من مهلك.. (يصمت قليلا وينظر إلى الصورة اللي في يده وإلى وجه أمانى).. ها وبعدين؟ بعد ما الساعى يجيبلك واحد جبنة بالطماطم؟

الفتاة: مفيش بعدين يا حضرة القاضي.. فضلت على الحال ده لحد الشهر اللي فات.. روحت أتصور عشان طلبوا مني تحديث بياناتي عشان هترقى.. أنا عمري ما اترقيت دي أول مرة.. قالولي في الشغل إن ليا ترقية كانت مستحقة من زمان وكانت بتروح لناس غيري مرة بعد مرة.. ماصدقتش نفسي أنني هترقى أخيراً.. جريبت أتصور عشان تلحق الصور تطلع وأحدث ملقي.. لا روحت أغير هومي ولا حتى ظبطت شعري في كوافير.. خوفت اتأخر ويفوت الوقت زي ما كل حاجة بتفوت.. ألاقى إيه؟ ألاقى العضم في الكرشة.. بس على مين؟ الله في سماه ما هسيبه غير لما يطلع صوري أو يديني فلوسي.

القاضي: عضم ايه وكرشة ايه يا أستاذة؟ اضبطي كلامك انتي في حضرة محكمة

أمانى: آسفة يا حضرة القاضي.. لكن والله الراجل ده نصاب وضحك عليا ومديني صور غير صوري.. (وتبدأ بالبكاء)

(تضيء القاعة وتعود أمانى لمقعدها)

شاهد ١ (رجل من الحضور يقف ويوجّه كلامه للمنصة): أنا أشهد معاها يا سعادة القاضي.. جارتني وبنت جاري ومولودة على أيدينا وعارفينها وحافظينها.. البرنسيصة الحلوة اللي في الصورة دي مش هي بنتنا ولا يمكن تبقى هي.. واحنا هنتوه عن بنت حنّنا!

القاضي: أنت مين أذن لك تتكلم يا راجل أنت؟ أقعد ومتكلمش غير لو المحكمة طلبتك

نفس الرجل (شاهد ١): الله!!! هو اللي يقول الحق يقولوا له اطلع م البلد! مانا لو راجل ملو هومي ودخل بهيلماني كان زمانكم مقعدني في أول صف وأتكلّم وقت ما أحب وأسكت وقت ما أحب.. بلد وسايط صحيح!

القاضي: أنت هتسكت ولا أحبسك ٢٤ ساعة؟

الرجل: وعلى إيبه يا بيه ! الطيب أحسن.. أهاه سكّت (ويضع يده على فمه بغضب)

(ثم يجلس الرجل وتبدو عليه علامات الاعتراض والتبرّم.. يتنهد القاضي ويوجّه كلامه للرجل الستيني المصوّر)

القاضي: وأنت بقى يااااا (ينظر إلى الأوراق في يده).. يا عم منصور.. أنت اللي صورت الأنسة أمانى؟

عم منصور: أيوة يا سيادة القاضي

القاضي: طيب وأنت متأكد إن دي صورها فعلا؟ يعني محصلش أي تبديل كده ولا كده من غير ما تاخذ بالك؟

ع منصور: إزاي يا سيادة القاضي؟ كل واحد بصوره بكون واخد منه نسخة من إيصال الفلوس اللي دفعها، نسخة معاه ونسخة معايا، ولما تخلص الصور بحطها في الظرف اللي دبست فيه نسخة الإيصال.. وعليه اليوم والتاريخ.. اتلخبط ازاي وأنا عيل صغير؟

أماني (تقاطع عم منصور وتقوم من مكانها): يا حضرة القاضي.. حضرتك يمكن مش شايفني من فوق المنصة، أنا لو قربت لك أكثر شوية ودققت في ملامحي هتتأكد من كلامي.. الست اللي في الصور دي مستحيل تكون أنا.. دي واحدة تانية خالص.. (تنهي جملتها وتقترب من المنصة كأنها ستصعد بجوار القاضي والمستشارين)

القاضي: رايحة فين يا آنسة؟ اتفضلي ارجعي مكانك والتزمي بيه لو سمحتي لحد ما أندھك
أماني: يا حضرة القاضي..

القاضي: ارجعي مكانك من فضلك.. (يصمت ويتنهد وينظر للفتاة)... يعني انتي لما هتيجي وتقرّبي عندي هنا عشان أقول الست دي أنتي ولا مش أنتي.. هتبقى بتحتكمي لإيه؟ لنظري ونظرتي مضبوط؟
أماني: مضبوط حضرتك

القاضي: طيب الراجل ده ومعاه مجموعة شهود بيقولوا أن الصور دي صورك وانتي وهي واحد.. ومصدقّتش عينيه ولا نظره.. لو أنا قلّتك أنها صورك هتصدقني عينيا أنا..
(الفتاة تصمت ولا تردّ)

القاضي: انطقي يا آنسة.. هتصدقني عينيا؟

أماني تجيب بانفعال: يا فندم والله دي مش...

القاضي: هتصدقيني؟

الفتاة: لأ يا حضرة القاضي.. برود مش هصدقك.. أأأ مش هصدق حضرتك

القاضي: يبقى أنتي مش محتاجة حد نظره ٦ على ٦ ولا حد يشوف وشك من قريب.. التزمي بمكانك بقي ومتحركيش غير لما أقولك..

(تهزّ الفتاة رأسها بالإيجاب ولا ترد)

القاضي (يأخذ نفساً عميقاً ويشبك أصابعه في بعضها ويسند ذقنه عليها ويتفحص ببصره المصوّر منصور): اتفضل يا عم منصور كمّل كلامك..

منصور: ولا كلام ولا حديث يا سيادة القاضي.. أنا راجل على باب الله (يظلم المسرح ما عدا بؤرة ضوء مسلطة على عم منصور وأخرى على المنصة).. أنا متربّي في الشغلانة دي من أيام أبويا وجدي الله يرحمهم ما كانوا هما اللي فاتحين الدكان.. نفس الدكان ده اللي أنا واقف فيه.. أكابر البلد كانوا بيتصوّروا عندنا.. إشي بهوات.. وبشوات.. وهوانم وأفندية.. جدي الله يرحمه مصوّر بنفسه صورة

للملك فاروق في شبابه قبل ما يبقى الملك.. أيام ما كان ولي العهد.. أوماااااا.. أنا يا بيه مأسّل في شغلانتي وشربتها من الألف للياء.. متقولش بقى ده ابن صاحب المحل.. لا لا.. كانوا الأول يخلوني أكنس الدكان وأرش قدامه كل طلعة نهار.. وبعدين بقيت ألمع الإزاز.. وبعدها بقى.. بقيت أرصّ الصور في القتارين وأغيرها كل فترة عشان تخطف لا مؤاخذه عين اللي ماشي في الشارع.. (يصمت الرجل ويتحشرج صوته)

القاضي: ها.. وبعدين يا عم منصور؟

عم منصور (يجيب بتنهيذة وصوت خافت مهدود): ولا قبلين يا سيادة القاضي.. زي ما جنابك شايف.. مبقاش الحال هو الحال، ولا الناس هي الناس.. حلاوة زمان مبقاش منها غير الدكان والصور، وناس تعدّي تتفرّج من ورا الإزاز.. مبقاش فيه حد عايز يتصور على حاله يا بيه.. اللي تقولك طلعتني شقرا.. واللي عايزة عينها خضرا.. واللي تقولك طلعتني لا مؤاخذه خاسّة.. واللي يقولك داري صلعتي.. واللي حاطة كيلو هباب على وشها لدرجة أني مش شايفها ومش شايف ملامحها.. كل واحد عايز يطلع زي ما نفّسه يشوف نفّسه، مش زي ما هو على حقيقته يا بيه.. لحد ما دخلت عليا في يوم.. بنت سبحان من صوّر جمالها ورقّتها، وشّها.. وشّ قديم من وشوش الزمن الحلو.. ملامحها هادية وعلى شفافيتها ابتسامّة.. ابتسامّة رايقة من غير ألوان.. تحسّ أنها.. أنها حبيبة من حبيبات الأفلام الأبيض وأسود.. شبه الست فائن ولا الست شادية.. قالتلي أنا عايزة أتصوّر عشان هترقى في شغلي.. قتلها عنيّا.. وصوّرتها سعادتك.. صوّرتها أحلى صورة خرجت من عندي يمكن من ٥ سنين.. لأ ١٠ سنين.. صوّرتها حلو.. صوّرتها مضبوط.. وأخرتها بتتبلى عليا وعايزة تحبسني

القاضي (يعيد كلام المصوّر بهدوء وبطء): صوّرتها حلو وصوّرتها مضبوط.. إممم.. أنت بتصوّر الناس إزاي يا عم منصور؟ بما أنك يعني خبرة في الشغلانة زي ما بتقول مش بتصوّر وخلص

عم منصور (بتعجب): ألالااه! بصوّرهم إزاي يعني إيه يا بيه؟ بقعد الزبون من دول ع الكرسي.. أظبطله قعدته.. أرجع ورا الكاميرا أبص لو شوشهم كويس أظبط الكاميرا ع اللي شايفه.. وأدوس ع الزرار (ثم ينفض يديه ببعضهما).. وخلص.. صوّرت

القاضي: يعني أنت بتصوّر اللي شايفه في الناس، مش بتصور الناس؟

عم منصور: آمنت بيبك يارب.. يا سيادة القاضي.. ما أنا لازم أصور اللي شايفه في الناس، وأنا يعني هصوّر إزاي حاجة غير اللي شايفها!

القاضي: طيب لو قلتك إن البنت اللي قاعدة قدامك دي مش هي اللي في الصورة اللي معايا دي، وإن أنت غلطان، هتصدق حُكمي وتكدّب عينيك؟

عم منصور: وهيبقى ليا وشّ أبص بعينيا تاني وأصوّر بعد النهارده؟ لامؤاخذه يا سيادة القاضي.. عينيا دي راس مالي في دنيتي وشغلانتي، وماكدّبهمش أبدًا.. كل السنين دي عينيا خدماني وفي الآخر أكذبهم وأصدق عينين غيرهم! أبقي ماستاهلش النعمة يابيه..

(يصمت القاضي ويعود للنظر في الصورة دون أن ينظر للرجل والفتاة، ثم يوجّه كلامه للحاجب أبو غزال)

القاضي: نادي على الشهود..

الحاجب (أبو غزال): الشاهد الأول.. مرسى محمد مصطفى

الشاهد (الرجل الذي هدده القاضي بالحبس): أنا أهوه يا سعادة القاضي.. مش قلت لجنابك أنا شاهد معاها

القاضي: مترغيش يا راجل أنت وتجاوب على قد السؤال بدل ما أحطك ف القفص..

مرسى: حاضر أهاه (يضع يده على فمه)

القاضي: اسمك مرسى محمد مصطفى؟

مرسى: أبوة جنابك

القاضي: قول والله العظيم أقول الحق

مرسى: والله العظيم أقول الحق ولا شيء غير الحق..

القاضي: الست اللي رافعة القضية دي تبالك إيه؟ تعرفها منين يعني؟

مرسى: دي الأستاذة أماني جارتنا يا بيه، جارتنا في العمارة من قديم الأزل، أبوها وأمها اتجوزوا في الشقة دي بييجي من حاجة وأربعين سنة كده، أبويا كان ترزي والدكان بتاعه في مدخل العمارة وكنت بروح أساعده في الدكان واتصاحبت بقى على الحاج أبوها الله يديله الصحة، كنا شباب زي بعض لا مؤاخذه يديني سجارة أفصّرله بنطلون أضيق له كم قميص..

القاضي: تعرفها كويس بقى!

مرسى: أومال يا بيه! مولودة على إيديا (ثم يُخرج من سوء أدب الجملة ويتراجع).. قصدي يعني اتولدت وكبرت في وسطنا وسط أهل الحنة، بت مؤدبة متربيّة تمام، لا بتهش ولا بتنش ولا تسمع لها حس.. تخش وتطلع من باب البيت متحسّس بيها ولا تشوف خيالها، كأنها مش موجودة.. أومال.. هو فيه بعد رباية الحاج!

القاضي: تمام تمام.. وأنت شوفت الصورة محل الخلاف مش كده؟

مرسى: كده يا بيه

القاضي: والست اللي في الصورة دي تبقى هي الست أماني جارتك اللي اتولدت وكبرت في حتكم؟

مرسى: هي إزاي يا بيه! دوكها بتضحك والضحكة من هنا لهن (يشير إلى جانبي وجهه).. وشها مكشوف ومفيهاش خشا ولا حيا.. لكن بنتنا ما شاء الله مابترفعش عينها م الأرض وبتتكسف تنبسم حتى..

القاضي: يعني مش هي يا أستاذ مرسى؟

مرسى: مش هي يا بيه..

القاضي: شكرًا يا أستاذ مرسى، اتفضل مطرحك ومتكلمش لآخر الجلسة

(مرسى يضع يده على فمه ويعود إلى كرسيه)

القاضي: نادي على الشاهد الثاني

الحاجب أبو غزال: بهي كامل مسعود

بهي: موجود يا سيادة القاضي.. يا هادي يارب (يقوم من مقعده ويتوجّه إلى أمام المنصة)

القاضي: اسمك بالكامل ومهنتك

بهي: بهي كامل مسعود.. صاحب معصرة القصب اللي لامؤاخذة لازقة في دكان عم منصور المصوّراتي

القاضي: قول والله العظيم أقول الحق يا عم بهي

بهي: والله العظيم أقول الحق يا سيادة القاضي

القاضي: بقالك قد إيه تعرف منصور المصوّراتي؟

بهي: بقالي بيجي ٢٠ سنة يا سيادة القاضي

القاضي: وإيه رأيك في أخلاقه؟ يعني الناس بتشكي منه، عنده مشاكل مع حدّ أو خلافات مع الجيران؟

بهي: عم منصور! ده كُبارة الشارع وزى ما تقول كده أخونا الكبير

القاضي: انتو مين بقى يا أستاذ بهي؟

بهي: احنا جيرانه سكان الشارع وأصحاب المحلات يا بيه، اللي عايز يجوّز عيّل من عياله يروح لعم منصور يعمل جمعية، واللي مراته هتولد يقبّضه لا مؤاخذة في شهر ولادتها، واللي عيّل من عياله داخل جامعة يقعد يملا معاه ورق الرغبات ويشرحه يعمل ايه ويروح فين.. ده بيخدم الناس كلها سعادتك وياريت بس نردّ جماليه

القاضي: عمرك سمعت عن مشكلة حصلت بينه وبين زبون اتصّور عنده قبل كده يا أستاذ بهي؟

بهي: أبداً يا بيه وربنا شاهد على كلامي.. طول عمري أشوف معاملته مع الناس كلها قمة في الأدب والذوق، عمري ما شوفته بيزعق ولا صوته عالي ولا بيخشط في حد.. ولا شوفت زبون خرج من الاستوديو غير وهو مبسوط وفرحان بالصورة وبخُسن المعاملة

القاضي: يمكن ده حصل وأنت ماشوفتش يا حاج بهي؟

بهي: هو فيه حاجة بتستخبى النهارده يا بيه، كل حاجة على عينك يا تاجر، الناس بقت بجحة وعينها قد كدهوه تندبّ فيها رصاصة ومحدث بيستخبى، وعلى رأي اللي قبلنا قالوا إيه! قالوا أنت ليك باللي شايفه، واللي مش شايفه على الله

القاضي: طيب والصورة اللي أنت جاي النهارده تشهد بخصوصها، شوفتها كويس؟

بهي: شوفتها يا بيه

القاضي: وشوفت فيها إيه؟

بهّي: شوفت فيها الأمورة اللي قاعدة هناك دي يا سعادة البيه

القاضي: يعني الأنسة أمانى اللي قدامك دي هي الست اللي في الصورة دي؟

بهّي: هي طبعًا يا بيه

القاضي: شكرًا يا أستاذ بهّي.. اتفضل مطرحك.. (يسجل القاضي بضع كلمات في أوراق أمامه ثم يستكمل كلامه): دلوقتي الدفاع يتفضل.. حد من الأساتذة المحامين هيقدم مرافعة؟

محامي ١- طاهر عبد الرسول (رجل في بداية الخمسينات أصلع وممتلئ ويرتدي بدلة يظهر منها امتلاء بطنه): أنا يا سيادة القاضي.. الحاضر مع المدعى عليه منصور عماد المصور

القاضي (يمسك بيده الصورة محل الخلاف): الأول قبل ما تبدأ مرافعتك يا أستاذ.. حضرتك اطلعت على الصورة دي اللي صورها عم منصور للأستاذة أمانى في الاستديو بتاعه؟

طاهر عبد الرسول: طبعًا يا سيادة القاضي أنا اطلعت عليها وزميلي كمان دفاع المدعية اطلع على الصورة، وأظن أن ضميره يحتم عليه الدفاع عن الحق.. الحق وبس

محامي ٢- مُنْجى السيّد (رجل في منتصف الأربعينات شديد النحافة يرتدي بدلة واسعة جدًا ويضع على عينيه نظارة طبية يخلعها كلما انفعل): تقصد إيه يا حضرة الزميل بكلامك ده؟

طاهر عبد الرسول (بانفعال): قصدي واضح.. إن حضرتك أكيد فاهم الادعاء الكاذب اللي الأستاذة بتحاول تلفقه لموكلّي طمعًا في تعويض كده ولا كده! حضرتك لو مغمض وبصيت للصورة هتعرف إن دي (يشير إلى أمانى) هي دي (يشير إلى الصورة التي في يده)

مُنْجى السيّد: أرجو إثبات الاتهام ده يا سيادة القاضي، الزميل الفاضل بيتهمني إني بخالف ضميري و..

القاضي (يخبط بأداته الخشبية على المنصة ويتحدث بانفعال): إيه ده يا أستاذ منك له! لو سمحتوا التزموا بأداب المحكمة ومحدث يتكلم غير بإذن.. (ينظر لطاهر عبد الرسول): اتفضل يا أستاذ طاهر قول مرافعتك..

(تظلم القاعة ماعدا بؤرة ضوء مسلطة على طاهر وأخرى على القاضي)

طاهر عبد الرسول (يشد بنطاله لأعلى بشكل مضحك): موكلّي يا سيادة القاضي متهم من المدعية السيدة أمانى محجوب بأنه نصب عليها وأعطاه صورة سيدة أخرى.. والمدعية بتقول إنها مش هي اللي في الصورة.. والصورة محل الخلاف مرفقة بملف القضية لدى هيئة المحكمة الموقرة ويمكن بنظرة بسيطة للصورة حضرتك تشوف إن السيدة المدعية الماثلة أمامكم هي نفسها الموجودة في الصورة.. ولكن دعني يا سيادة القاضي أقدم لحضراتكم مرافعة عكسية، مرافعة تقوم على سؤال واحد يهدم هذا الادعاء من أساسه وهو "لماذا".. لماذا يقوم موكلّي بتغيير صورة الأستاذة أمانى وإظهارها على هيئة غير هيئتها الحقيقية؟ علام سيتحصل من هذه الكذبة وهو المصور الكهل المعروف في منطقته بالأخلاق والشهامة وبالتأكيد سيفكر ألف مرة قبل أن يقدم على عمل يخسره هذه السمعة الطيبة التي جمعها في سنين العمل الطويلة. لماذا يا سيادة القاضي يُعرّض نفسه للمثول أمام هيئة المحكمة الموقرة والتعرض للعقاب والجزاء الذي ربما يصل إلى الحبس وهو الشيء الذي يُحمّله العار هو وزوجته وأولاده؟ سيدي القاضي حضرات السادة المستشارين.. هذا الرجل يردّ عليه كل يوم عشرات البشر.. عشرات الوجوه..

ولكن يا سيادة القاضي مَنْ مِنْ هؤلاء البشر يعرفُ شكله جيدًا.. مَنْ مِنْهم يعرفُ نفسه يا سيادة القاضي؟ بل مَنْ مِنْهم يشعر بالرضا عن نفسه ويتحمّل رؤيتها على حقيقتها.. الكاميرا لا تكذب يا سيادة القاضي.. الكاميرا تُجمّد الصورة في لحظة عابرة من الزمن، والإنسان لا يكون هو نفس الإنسان بين لحظةٍ وأخرى، بين ثانيةٍ وأخرى، الإنسان يتغيّر كل ثانية يا سيدي القاضي لكن الصورة التي تجمّدت لا تتغير.. فإن كان هناك تغيير تراه الأستاذة أمانى وحدها فإن الذي تغيّر هو أمانى نفسها، وليست صورتها التي التقطها موكلّي بنفس الكاميرا التي يحملها الآن والتي يصوّرُ بها الناس كل يوم.. وعلى هذا.. فإن موكلّي بريء من أي تلاعب بالتصوير يا سيدي القاضي وأنا أطلب له البراءة من التهمة المنسوبة إليه.

القاضي: شكرًا يا أستاذ طاهر.. اتفضل

(تضيء القاعة كلها ويجلس طاهر إلى جوار عم منصور الذي يسلم عليه بحرارة ويربّت على كتفه)

القاضي: محامي الادعاء يحب يقول حاجة؟

مُنجي السيّد: نعم يا سيادة القاضي.. (يقف مُنْجِي ويتحرك إلى أمام المنصة ثم تظلم القاعة ما عدا بؤرة ضوء على مُنْجِي وأخرى على القاضي)

مُنْجِي السيّد: لقد اتّهمني الزميل الفاضل بالتواطؤ وغيض الطرف عن الحقيقة وأنا أطلب أولاً إثبات ذلك في محضر الجلسة، ثانيًا.. فإنني أؤكد للسيد الزميل وللهيئة الموقرة أن السيدة أمانى محجوب المُدّعية الماثلة أمام حضراتكم بصفقتها وذاتها ليست هي بحالٍ من الأحوال السيدة الموجودة في الصورة المرفقة أمامكم بأوراق القضية. ودعني يا سيادة القاضي أتفق مع زميلي رغم كونه محامي الخصم في أن الإنسان يتغير في كل ثانية، لكنه تغيّر داخلي غير مُدرّك أو ملموس خارج ذات الإنسان، تغيرات الثانية الواحدة أو ربما أقل من الثانية هي تغيرات ذاتية ودقيقة جدًا لا يطلّع عليها أحد، فكيف يمكن يا سيدي القاضي أن تعكس الكاميرات تغييرًا غير مرئي؟ كيف نقبل هذه الإزاحة في الشكل الخارجي ولو بدرجة طفيفة؟ كيف يقنعنا الآخرون أنهم يرون فينا ما لا نراه في أنفسنا؟ إنني أحذّر من خطورة الرضوخ والإذعان لما يقنعنا به الناس عن أنفسنا وعن رؤيتهم (يقولها بسخرية) لتغيرات الثانية الواحدة كما أطلق عليها زميلي، نحن أولى بأنفسنا يا سيدي القاضي، أقولها وأكررها.. نحن أولى بأنفسنا، وهذه الإزاحات الصغيرة الطفيفة التي يقنعنا بها الناس عن ذواتنا ستتحوّل يومًا إلى ذاتٍ جديدة لا نتعرّف عليها ولا نراها.. وبناءً عليه؛ فإن موكلتي لم تتعرّف على نفسها في هذه الصورة المرفقة لدى حضراتكم وتُنكرها وترفضها تمامًا، بل وتتمسك بحقها في رد المبلغ المالي الذي دفعته مقابلها وتطالب كذلك بالتعويض المادي المناسب عن الخسائر المادية والمعنوية التي تعرضت لها..

القاضي: شكرًا يا أستاذ مُنْجِي.. اتفضل اقعد

(يعود مُنْجِي إلى مقعده بجوار أمانى)

(ينقل القاضي نظره بين جميع الأطراف ثم يمسك فجأة بأداة الطرق التي أمامه ويخطب بها على المنصة)

القاضي: تُرفع الجلسة للنطق بالحُكم..

يزعق الحاجب أبو غزال الواقف على باب القاعة: محكمة

(يقف الحضور جميعًا ويخرج القاضي والمستشاران والحاجب من باب القاعة)

(الحضور يتهايمسون داخل القاعة نرى حركة شفاههم ونسمع همسات وهمهمات خارجة عنهم ثم تنسحب الهمهمات مع كل حوار رئيسي نسمعه بوضوح. يقف عم منصور المصوّر وينظر بأسى لأماني التي تحوّل وجهها بعيدًا فيضرب عم منصور كفاً بكفّ ثم تأتي زوجة عم منصور من آخر القاعة وتمسك بذراعه كالمقبوض عليه وحين تتحدّث ينخفض صوت الأفراد جميعاً ونرى حركة شفاههم ما عدا عم منصور وزوجته).

الزوجة: اعترفت بقى يا سي منصور.. يا شايب يا عايب ياللي إبليس جنبك خايب

عم منصور: الله الله! مالك يا وليّة اتجننتي ولا إيه!

الزوجة: أنا برودو اللي اتجننت! قاعدلي في البيت سابق الهبل ع الشيطنة، وقال إيه! مش راضية بالصورة، وقال إيه! مش شايقة نفسها في الصورة، وأنت اللي كنت بتبصص لها.. (تحاول تقليده بشيء من الدلع): صوّرتها حلو يا سيادة القاضي.. صوّرتها مضبوط يا سيادة القاضي، ظبطك عزرائيل ما سابك إلا ف جهنم يا شيخ.. تهون عليك العشرة دي كلها وتبص لواحدة من دور عيالك؟ (تبدأ في البكاء)

عم منصور: يا قاعدين يكفيكوا شرّ الجايين.. يا وليّة انتي مخك اتلحس؟ خلاص مابقاش فيكي بشلين تميز، ده وقته ولا مكانه تقولي كلام فارغ زي ده!

الزوجة: لا ياخويا مش كلام فارغ، ده كلام جد وبحق وحقيق، انت ماشوفتش رغبة عينيك وأنت بتقول للقاضي إشي حلوة من غير ألوان وإشي وشّها وإشي ابتسامتها

عم منصور: يا وليّة انتي بتقولي من دور ولادي، هبص لواحدة مخلف قدّها! هي كانت حلوة وبسيطة وجميلة فعلا بس مش زي اللي ف راسك يا أم راس أتحن من راس أبو الهول.. اتفضّلي بقى اقعدي مكانك ألا القاضي يرجع ويحبسك في القفص.. يلا فوتي

الزوجة: أنت كماااان بتزعقلي قدام الناس؟ الله يسامحك وأنا اللي جاية معاك وأنا ركبي وجعاني والدكتور قايلي ترتاحي وماتتحركيش! دي آخرتها!

عم منصور: يا ستي وأنا عملت إيه بس! لا حول ولا قوة إلا بالله! طيب حقك عليا متزعليش.. استهدي بالله واقعدي بقى متفرجيش علينا الخلق

الزوجة: حاضر يا منصور.. حاضر.. (ثم تنظر لأماني): طب والنبى شوف إزاي ودانها كبيرة وواقفة زي ودن الجحش، شوف بُقها الكبير زي بُق القرد.. وعينها.. عينها مبرّقة زي التماسيح

عم منصور (يضحك ويضرب كفاً بكفّ): والله العظيم ما بصيتها بصّة م اللي ف دماغك دي عيلة من دور عيالنا.. استهدي بالله بقى واقعدي

(تجلس الزوجة في مقعدها ولا تزال عيناها على أمانى وتتأملها.. أمانى تجلس بحوار المحامى وتبدو من حركة شفاهها أنها تعيد وتزيد فى الحكى بحماس وانفعال شديدين والمحامى يشير إلى بعض الأوراق فى الملف الذى يحملة)

(يدخل أبو غزال الحاجب إلى القاعة وينظر فى ساعته ثم ينظر خارج القاعة ويبدو عليه القلق.. ثم يدخل إليه شخص آخر يرتدى نفس زيّ أبى غزال فيظهر أنه يعمل حاجبًا فى المحكمة أيضًا)
شكرى (الحاجب): مساء الورد يا أبو غزال.. مالك كده واقف مخنوق؟ هو البية بتاعكم مخلصش الرول لسه؟

أبو غزال: ششششش وطّي صوتك الله يسترّك متودينيش ف داهية ليجي على غفلة ويسمعك.. لسه يا سيدي مخلصش ومش عايدة.. فاضله آخر قضية دي مخيش فيها والشمس قربت تغيب
شكرى: طب ما يأجلها ويفكر براحته هو حدّ بييجري وراه!

أبو غزال: إمممم؟ وده اسمه كلام؟ وأنت لسه هتعرفه النهارده؟ لو ضمير المحكمة استقرّ يبقى الحكم هيتنطق

شكرى: وهو ضميره استقرّ؟ ماهو مخيش أهو زي ما بتقول

أبو غزال: أول مرة أشوفه مختار على حق ومعرفش أشوف الحكم فى عينيه..

شكرى: يعنى إيه لامؤاخذه تشوف الحكم فى عينيه؟

أبو غزال: يعنى كنت بحسّ من نبرة صوته وهو بيتكلم إذا كان اقتنع بكلام اللي قدامه ولا لأ.. وبشوف فى عينيه الراحة لما ضميره يستقر على حاجة..

شكرى: طب والمرة دي عينيه قالت إيه بقى؟

أبو غزال: عينيه المرة بهتانة.. معكّرة.. زي ما يكون مش شايف.. أو شايف حاجة مش عايز يقولها..

شكرى: البية القاضى مش شايف؟ قصدك إيه بقى! لأ لأ يا أبو غزال أمّا ماليكش حق تقول كده

أبو غزال: الله الله! أنت جاي تلبسنى قضية ولا إيه أنا قولت حاجة؟

شكرى: هاهاهاها.. بضحك معاك يا أبو غزال.. هو صحيح شديد ومحبكها حبتين، بس طيّب وابن حلال وعمرنا ما شوفنا على وشه سواد الظلم..

أبو غزال: على رأيك.. ربنا يلهمه بقى وينطق ولّا يأجل.. عايز أروح للبتّ غزال أحسن تنام من غير عشا وكمان عندها درس فيزيا بكرة بدري ولازم أديها الفلوس قبل ما تنام..

شكرى: الله يعينك هتلاقيها منين ولا منين.. حيث كده أستأجر أنا بقى شكلك مطول.. تتمسّى بالخير يا أبو غزال

أبو غزال: إذنك معاك ياخويا بالسلامة..

(يسمع الحاضرون ضجة كبيرة خلف الباب فتتوجه عيونهم إلى باب القاعة وتدخل منه مذبة تضع مكياج مبالغ فيه تمسك بيدها ميكروفوناً وخلفها كاميرا مان يحمل كاميرا تصوير تليفزيوني ورجل آخر يسير خلف المذبة يضبط لها المكياج وخصلات شعرها كلما تستعد للوقوف أمام الكاميرا)

المذبة: أوبة أوبة.. هي دي القاعة.. تعالى هنا يا سمير

سمير (يحمل كاميرا تصوير تليفزيوني ويدخل خلف المذبة): معاكى على طول يا أستاذة

المذبة: جمال.. جماااا.. إيه يا جمال؟ لازم صوتي يتتبج وأنادي عليك؟

جمال: أبداً يا أستاذة أنا جاهز.. (ثم يصلح لها بودة التجميل على وجهها، ثم تشير له المذبة بالابتعاد من أمام الكاميرا)

المذبة: أعزائي المشاهدين.. زي ما عودناكم دايماً أننا نناقش أهم قضايا المجتمع، بنروح المحاكم نشوف أسباب التقاضي، وكالعادة هنسمع من أطراف القضية ونتعرف على سبب الخصومة ونعرف القاضي هيحكم بإيه ولصالح مين من الأطراف المتنازعين..

المذبة (تتوجه ناحية أماني): مساء الخير يا فندم.. حضرتك قاعدة في أول صف وشكلك قلقانة ومتوترة.. القضية دي تخصك؟

أماني تتأفف وتنظر للمذبة من أعلى لأسفل ولا تردّ ثم تحوّل وجهها للناحية الأخرى..

المذبة تحرك كتفها بسخرية: مسم.. أحسن..

ثم تتجه المذبة إلى عم منصور وتجلس بجواره ملتصقة به مما يدفعه للترجح قليلاً: طيب قولي يا حاج يا قمر أنت.. أنت موجود النهارده ليه؟ القضية دي تخصك؟

عم منصور يرفع رقبته ويقترب من الميكروفون: محسوبك منصور.. والقضية دي تخصني طبعاً أومال جاي ليه! أنا يا هانم بشتغل مصوراتي عندي ستوديو تصوير وارثه عن أبويا وجدي وأبو جدي كمان، صوّرت الست اللي هناك دي، ولما جت تستلم الصور عملت حكاية ورواية وبتقول إن قال إيه مش هي اللي في الصورة وإن الصور مغشوشة ولا مزورة والله مانا فاهم.. ومن بلاغ في القسم لنيابة لقيت الموضوع وصل للمحكمة

المذبة: صور مزورة! غريبة أوي فعلاً.. ودي أول مرة تحصلك الحكاية دي؟

عم منصور: أنا محصلش حكايات يابنتي.. أنا كل يوم بصور وببورد عليا وشوش ياما، لا عمري حد قالى شايف نفسي في الصورة ولا شايف غيري في البرواز.. بياخدوا صورهم ويتكلوا على الله.. لو فيه حكاية تبقى حصلت لها هي مش أنا..

المذبة: تمام تمام.. شكراً ليك يا حاج منصور..

(تتجه المذبة إلى زوجة عم منصور): وأنتي يا حاجة.. قوليلي.. أنتي صلتك إيه بأطراف القضية؟ حد منهم يخصك؟

عم منصور ينظر للخلف ويقاطع زوجته: اخرسي يا ولية بدل ما أخليكي تروحي.. بتتكشي ع الفضايح بمنكاش؟

عم منصور يقف من كرسيه متجهًا إلى زوجته فتضع يدها بسرعة على فمها: أهوه.. أهوووه (فيعود منصور للجلوس مكانه)

جمال: تحت أمرك يا أستاذة.. (يخرج من جيبه مشط ويعدل خصلات شعر المذيعة ثم يخرج قلم روج ومراة صغيرة ويناولها لتضبط الروج على شفثيها)

أبو غزال (يضبط ياقة ملابسه ويمسح على صدره وينظر إلى الكاميرا): أنا ؟ أنا حاجب القاعة يا ست هانم.. اسمي أبو غزال، وغزال دي تبقى بنتي.. حلوة كده ما شاء الله في الثانوية العامة ربنا يكرمها وينجّح لها المقاصد.. بس الدرووس بهدلتنا والله يا ست هانم.. والمدرسين.. المدرسين دول سفاحين ما بيزحموش، تصدقي بالله؟ الحصة الواحدة ف السنتر ب ٢٥٠ جنيه؟ وإيه؟ حصة عربي ماهياش كيمي يعني ولا الفيزيا.. الفيزيا دي بقى قصة لوحدها.. فياريت بس لو السيد وزير التعليم.....

أبو غزال: هههههه أنا أبو غزال يا هانم.. ههههههه الله يحظك.. أنا أبو غزال.. غزال دي تبقى بنتي
اللى بحكيلك عليها.. واخدة اللى قدامى واللى ورايا...

أبو غزال: العلم عند الله يا هانم.. لما يظهر بس الأول سيادة القاضي هنعرف الحكم لصالح مين أنا عارف بس اتأخر كده ليه!

أبو غزال: ولا ستارة ولا حجاب، سيادته بس رفع الجلسة للنطق بالحكم من بدري ولسه مرجعش.. وأنا اتأخرت على بنتي ولازم أروح..

أبو غزال (يشيخ بيده فى وجهها) : يا ستى أبو غزال هي معنى صعبة للدرجة!

أبو غزال: وبيقى اتهزم كدهو بسهولة قدام قضية ملهائش راس من رجلين زي دي! تبقى هزيمة ليه قدام نفسه مش قدام الخصمين المجانين دول، اتفضل بقى اخرج من هنا قبل ما يجي ويسمع كلمة كده ولا كده يحطنى فى الققص.. يلااااااااا أخلص هوينا

عامل البوفيه: طيبيب طيب متزوقش.. الله!
(بعد خروج عامل البوفيه يدخل القاعة شاب يحمل ورقة وقلم ويرتدي نظارة طبية، ينظر للحاضرين
المتهامسين مع بعضهم البعض ثم يتجه إلى عم منصور)

الصحفي: السلام عليكم يا حاج

عم منصور (بضجر وغضب): وعليكم السلام يا سيدي.. مين حضرتك أنت كمان؟

الصحفي: على مهلك عليا يا حاج أنا عملتلك حاجة! أنا صحفي من جريدة "أخبار المحاكم" وسمعت عن
القضية بتاعتكم وأنا بغطي جلسة تانية في المحكمة هنا.. ايه بقى اللي حصل؟

يقف عم منصور ويعلو صوته بغضب: لاااا حول ولا قوة إلا بالله.. هي إيه الحكاية؟ هي عجيبة من
عجائب الزمن كل واحد جاي يتفرج عليها شوية ويصوّر ها؟ كل الناس جاية تتكلم وتتسأل وتتطقس ما
عدا الشخص الوحيد اللي المفروض يشرف هنا دلوقتي ويخلصنا من العطلة اللي من غير لازمة دي..
أما واقعة مهيبة بصحيح.. كان يوم ما يعلم بيه إلا ربنا يوم ما شوفتك يا شيخة، ياريتني ما فتحت المحل
يومها ولا اشتغلت..

تتجه أنظار الصحفي إلى أمانى التي وضعت يدها على عينها محاولة منع البكاء: امسكي أعصابك يا
أستاذة.. كل مشكلة وليها حل.. هو حضرتك الخصم التاني في القضية؟

أمانى: لأ طبعاً.. أنا الخصم الأول، أنا اللي مشتكية الراجل النصاب ده اللي بيشككني في عنيّا، وهو اللي
يبقى الخصم التاني

الصحفي: يا أستاذة يعني هي فرقت التاني ولا الأول هي جازية!

عم منصور: الزمي حدودك ولمي لسانك يا أنسة.. أنا لغاية دلوقتي بقول عليكى شكك طيبة وبنّت ناس
متخرجينيش عن شعوري

أمانى (تغالب البكاء): إيه لمي لسانك دي؟ أنت إزاي تكلمني كده! أنا هثبت الأسلوب غير المحترم ده في
أوراق القضية بس لما يرجع القاضي

عم منصور: شوفي يعني سمعتي لمي لسانك ومسمعتيش طيبة وبنّت ناس.. صحيح "قُتِلَ الإنسانُ ما
أكْفَرَه"

أمانى: ما أكفره؟ ما أكفره؟ أنت بترميني بالكُفر كده عياناً بياناً وفي المحكمة؟ (توجّه كلامها للمحامي
مُنْجى المشغول بهاتفه المحمول): وأنت يا أستاذ قاعد كده في ملكوتك وساييني كده بتهزأ؟

(المحامي مُنْجى السيد ينظر إليها غير فاهم لما يجري ويبدو غير منتبه)

عم منصور: أستغفر الله العظيم من كل ذنب.. يابنتي كُفر إيه بس وأنا أبقي مين عشان أتكلم بالكُفر
والإيمان.. يا ستي حقك عليا مقصدش انتي زي بنتي، تحبي أبوس على راسك عشان تصدقي أنني
مقصدش؟

الزوجة (تنادي من مكانها في آخر القاعة): وإيه كمان يا سي منصور المسبّلاتي؟

عم منصور: يا وليّة قسمًا بالله لو قمت من مكاني هاخذك ع المأذون وهتبقى عبرة تحكي وتتحاكي بيها النسوان وأنا بطلّك في سنك ده..

الصحفي: لا حول ولا قوة إلا بالله.. ماتشهدوا بالله يا جماعة مش كده، هو أنا جيت في وقت مش مناسب ولا إيه!.. (يوجّه كلامه لأمني) يا أنسة.. يا أستاذة.. ممكن بالراحة بس تفهميني الحكاية بهدوء لو سمحتي خليني أسلم الكلمتين لرئيس التحرير وأخلص..

أمني: طبعًا هو ده اللي همام حضرتك! الكلمتين.. ورئيس التحرير.. واسمك ينزل ع الموضوع ويمكن تاخذ مكافأة ولا تترقى وتبقى رئيس القسم.. كل واحد شايف مصلحته هو بس وبنضارته هو بس؟

الصحفي: يعني دي جزاتي أني عايز أكتب عنك وعن قضيتك تتهميني في الآخر بالأنانية!

أمني: قضيتي؟ وهو مين اهتّم بقضيتي يا أستاذ! مين هنا عاملّي اعتبار ولا مين شايفني؟ محدش حاسس بيا ولا حد دخل جوايا، محدش بيفكر غير في نفسه!

عم منصور: سبحان الله!

الصحفي: أنا والله مهتم أهوه بقضيتك وواضح أنها قضية كبيرة وتهتز الرأي العام وناس كتير هنتكلم عنها، ويمكن تلاقي بدل الحد الواحد ناس كتير تدعمك وتساندك عشان تاخدي حقا.. فهميني بس الحكاية من الأول بشويش عشان أعرف أعرضها مطبوط..

أمني (تأخذ نفسًا عميقًا): الحكاية إني اتصوّرت صور فوتوغرافية في الاستوديو بتاع الراجل ده.. ولما الصور طلعت لقيت....

الحاجب أبو غزال يدخل القاعة مهرولاً ويسير بين المقاعد: ششششش رج رج.. سكوت يا جماعة لو سمحتم..

أبو غزال: محكمة!

(يقف الجميع داخل القاعة ويدخل القاضي بهيئته الجادة الصارمة ويتبعه المستشاران يتوجّه ناحية المنصة لكنه يتوقف قليلاً أمام الصفوف الأولى للحضور ينظر إلى أمني وعم منصور لثوانٍ، ثم يتجّه إلى المنصة ويجلس في مكانه ثم يتبعه المستشاران بالجلوس..)

القاضي: اتفضلوا..

(يفتح ملفّ القضية ويخرج منها ورقة ثم يغلق الملف)

القاضي: قبل ما أنطق الحكم.. فيه طلب طلباه منك هيئة المحكمة يا عم منصور

عم منصور: يا خبر يا سيادة القاضي.. حضرتك تؤمر

القاضي: والطلب ده ملهوش علاقة بالحكم اللي هيتنطق بعد شوية، يعني متعتقدش أنه هيترتب عليه أي شيء، الحكم اتقرر خلاص ومكتوب في الورقة هنا قدامي وهيتنطق بعد شوية.. كلامي واضح ومفهوم؟

عم منصور: واضح ومفهوم يا سيادة القاضي

القاضي: تمام... أنت قولتي الكاميرا بتاعتك دي شغالة؟ يعني تقدر تصوّر بيها في أي وقت وأي إضاءة مش كده؟

عم منصور: تمام سعادتک

القاضي: وتقدر تطلع لنا الصورة دي فورّية؟

عم منصور: أو مال سعادتك.. حالا تطلع الصورة

القاضي: طيب أنا عايزك تاخذ صورة جماعية لكل الناس الموجودين هنا في القاعة وتطلع الصورة وتوريهالنا كلنا..

عم منصور: يا سلام! غالي والطلب رخيص يا سيادة القاضي.. (يخلع الكاميرا عن صدره ويفك غطاء العدسة ثم يضع الكاميرا على عينه وينظر من خلالها إلى القاعة والحضور الجالسين على المقاعد ثم ينزلها عن عينه ويتوجه إلى القاضي): حضرتك بس الكادر مش هيجيبهم كلهم مرة واحدة، فلو ممكن حضراتهم كلهم يتجمعوا هنا مثلا قدام أاااا.. قدام منصّة سعادتك؟

القاضي (يصمت قليلا): مفيش مانع.. اتفضلوا حضراتكم كلكم هنا تحت المنصة..

(يتحرك جميع الجالسين وهم يشيرون بأياديهم في تساؤل عما يجري وينظرون لبعضهم البعض في استغراب ويصطفون أمام منصة القضاء وفي مقدمة أمانى)

عم منصور: هقول واحد اتنين تلاتة وبعدين أصوّر.. من فضلكم تبصوا على صباعى هنا

(يرفع عم منصور إصبع السبابة أمام عدسة الكاميرا ويبدأ العدّ): واحد.. اثنين.. ثلاثة

(تظلم القاعة ثمانية وتضيء دلالة على تصوير الصورة)

(يتهامس الحضور كلهم ويتحركون ببطء في اتجاه عودتهم إلى مقاعدهم وعم منصور يخرج الصورة من الكاميرا)

عم منصور: وأللا الال الصورة الجماعلة يا حضرات.. اافضلوا

(يلتفت الحضور حول عم منصور وتخطف أمانى الصورة من يده فتصبح هي في المنتصف ومعها عم منصور وجميع الحضور يلتفون حولهم في دائرة، وفي نفس واحد وصوت واحد تظهر آراؤهم المذهولة والمصدومة بعد رؤية الصورة، ويراعى نطق كل جملة بوضوح نظرًا لتداخل الأصوات)

أمانی: ایہ دہ؟

المحامى طاهر عبد الرسول: ياااااااه؟؟؟

المحامى مُنجى السيد: إزاي ده؟؟

المذبةعة: يا نهار أسود!

سمیر المصوّر التالیفزیونی: هههههههههههه

جمال الكوافير: لا لأ يا عم منصور

الصحفي: الله الله!

الزوجة: يا اااااااسلاام؟؟؟

(القاضي يجلس على منصة القضاء مبتسمًا)

إِظْلَامٌ

ستار